

# COV LUS UAS TIBNEEG NQUAG NUG

## Valley Visions Yog Dabtsi?

Valley Visions yog ntau cov kev npaj tamsim no rau San Joaquin Valley. Nws zoo li peb saib daim duab dav tias seb Central Valley yuav loj hlob li cas tuaj thaum sijhawm dhau mus nrog ib txoj kev uas yuav siv tej yam kev pab kom zoo, tiv thaiv cov zej zog uas twb tsim tau lawm, txuag liaj teb thiab tej thaj av, thiab pab txhawb lub Central Valley nyiaj txiav kev lag kev luam. Thaum peb npaj ua ntej rau txoj kev loj hlob nws yuav ua rau peb cov vaj tse ib ncig zoo zog tuaj, peb yuav muaj ntau cov kev xaiv zog txog vaj tse thiab kev mus los, thiab ib lub neej zoo zog rau cov neeg uas nyob hauv.

Cov kev npaj rau thaj av yuav xam txog txoj kev ua vaj tse mus-ntev, cov kev mus los thiab tej yam uas yuav tsum tau rau thooj av. Txhua thaj av hauv Kaslisfausnias, nrog rau yim lub nroog hauv Central Valley, yuav tsum muaj ib txoj kev npaj mus-ntev raws li tsab cai Senate Bill 375 (SB 375). Yim lub nroog hauv San Joaquin Valley kho tej yam ntawm txoj kev npaj no los siv kom tau cov kev pab ntau npaum li lawv ua tau, tiamsis mas txhua lub Metropolitan Planning Organization (Lub Koos Haum Uas Tawm Tswv Yim Kho Lub Nroog; MPO) yuav tsim ib txoj kev npaj txawv.

## Vim li cas peb ua li no?

Nws muaj ib co cai uas hais kom peb muaj cov kev npaj rau thaj av li no, tiamsis qhov no yuav pub ib lub sijhawm rau peb los khwv tswv yim seb peb xav kom peb thaj av loj hlob thiab hloov mus li cas rau ob peb xyoos tom ntej kom ntsib txhua yam peb xav tau thiab kom haum raws li peb cov kev ntseeg.

Cov MPO yog ib co koos haum uas tsim cov cai hais txog cov kev mus los thiab kho yam tseem ceeb tshaj plaws rau ib thaj av, uas qhia tias seb peb yuav siv cov nyiaj rau cov kev mus los li cas. Nws muaj 18 lub MPO hauv Kaslisfausnias, nrog rau 8 lub hauv San Joaquin Valley. Lub xeev thiab tsoom fww tebchaws cov cai hais tias txhua lub yuav tsum tsim ib txoj kev npaj rau yav tom ntej los qhia tias lawv yuav siv nyiaj li cas rau cov kev mus los rau lawv thaj av. Cov kev npaj Regional Transportation Plan (Cov Kev Npaj Rau Cov Kev Mus Los) ntawm no raug muab kho dua tshiab txhua plaub xyoos kom haum raws li seb muaj puas tsawg tus neeg nyob hauv lub nroog, chaw ua haujlwm thiab kev ua si ncig tebchaws rau tamsim no nrog rau tej yam uas raug muab hloov hais txog cov kev npaj rau lub nroog thiab tej yam uas tseem ceeb tshaj ntawm thaj av cov kev mus los.

Ib tsab cai tshiab, uas raug muab ntxiv los ntawm SB 375, nug kom cov neej npaj xam seb txoj kev siv thooj av thiab txoj kev npaj cov kev mus los yuav pab tau li cas kom txo tau cov cua phem uas zoo li cov uas nyob hauv lub tsev cog nroj tsuag kom tsawg zog. Qhov no txhais tias peb yuav tau npaj kom cov vaj tse, cov chaw haujlwm thiab cov kev pab nyob rau ib qho chaw kom lub sijhawm uas peb tsav tsheb lossis truck mus los tsawg zog rau txhua hnuv.

### **Cov kev npaj no yuav ua dabtsi?**

SB375 hais kom ib lub MPO tsim ib txoj kev npaj hu tias Sustainable Communities Strategy (Tswv Yim Los Pab Kom Cov Zej Zog Mus Tau; SCS) los ua peb yam ntawm no:

1. Qhia tias thaj tsam twg yuav zoo los ua tsev rau thaj av ntawd thaum nws muaj neeg coob zog tuaj rau nees nkaum tsib xyos yav tom ntej. Qhov no nrog rau txhua tsev neeg txawm lawv tau nyiaj ntau npaum li cas los xij.
2. Tsim Regional Transportation Plan (Txoj Kev Npaj Cov Kev Mus Los Rau Thaj Av; RTP) uas yuav haum txhua yam uas thaj av ntawd yuav tsum tau; thiab
3. Txo cov cua phem uas zoo li cov uas nyob hauv lub tsev cog nroj uas los ntawm cov tsheb thiab truck me kom tsawg zog.

### **Qho no yuav raug li cas rau qhov Blueprint Planning Process (Daim Ntawv Uas Qhia Txog Txoj Kev Npaj)?**

Qhov Blueprint yog txoj kev rau siab npaj rau thaj av uas qhia tias seb dabtsi tseem ceeb dua thiab cov kev vam rau txoj kev loj hlob mus-ntev rau lub Valley. Cov kev npaj no thiab cov lus uas tau muab khaws cia yuav pab txhawb thiab taws kev rau Valley Visions cov kev npaj. Cov kev npaj tom kawg yuav txawv ntawm, tiamsis qhov hauv paus los ntawm, cov Blueprint uas tau muaj ua ntej.

### **Leej twg yog tus tawm tswv yim rau Valley Visions cov kev npaj thiab thaum twg?**

Nws nyob ntawm lub nroog uas koj nyob. Txhua lub hauv yim lub MPO hauv San Joaquin Valley muaj lub luag haujlwm los tsim cov kev npaj no, nrog cov lus uas los ntawm cov neeg uas nyob hauv qhov chaw ntawd thiab lwm cov neeg uas ua lagluam hauv. Lawv yuav tau koom tes nrog cov nroog, cov koos haum saib xyuas cov kev mus los thiab cov pab pawg neeg hauv lub zej zog kom ua tau lawv cov kev xav rau cov kev npaj no. Peb caw txhua tus uas xav paub ntxiv tuaj koom nrog qhov ntawm no los peb pab kho nej lub zej zog rau yav tom ntej. Ntau cov kev npaj uas Valley Visions muaj yuav tiav ua ntej 2013 xaus.

### **Peb yuav tham txog txoj kev loj hlob ntawm txoj kev nyiaj txiag ua lag ua luam li cas? Es yog li cov haujlwm nev?**

Txoj kev nyiaj txiag ua lag ua luam hauv San Joaquin Valley yuav zoo zog tuaj thaum lub tebchaws kev nyiaj txiag ua lag ua luam zoo zog tuaj thiab. Thaum peb npaj los siv cov thooj av thiab cov kev mus los kom zoo nws yuav ua rau thaj av ntawd ntxim nyiam zog rau lwm cov chaw haujlwm thiab lwm cov neeg uas xav los nyob, li ntawd nws yuav pab txhawb txoj kev loj hlob thiab txoj kev vam meem mus ntev. Cov vaj tse, kev mus los, thiab tsev muab kev pab yuav tsum raug tsim kom muaj ntau txoj haujlwm tuaj li ntawd cov lagluam thiaj li vam meej thiab cov neeg ua haujlwm thiaj li nyob tau ze thiab mus tau haujlwm kom yooj yim.

### **Nws txhais li cas thaum peb hais tias kho kom txoj kev siv qhov thooj av thiab cov kev mus los sib haum?**

Cov koos haum yeej tsim thiab kho cov kev npaj hais txog txoj kev siv thooj av thiab cov kev mus los tas mus li, tiamsis lawv tsis ua li no ua ke lossis lawv tsis muab kho kom sib haum. Cov kev npaj uas Valley Visions ua yuav muab txoj kev siv thooj av ntawd thiab cov kev mus los xam ua ke, lawv pom tias txoj kev siv thooj av ntawd yuav raug tibneeg li cas thiab seb lawv yuav nyob qhov, ua haujlwm thiab ncig ua si qhov twg. Yog peb paub tias feem ntau txoj kev siv thooj av yuav hloov li cas, peb paub npaj cov kev mus los zoo zog kom haum rau tej yam li ntawd. Ib yam li ntawd, tejzaum txoj kev siv cov thooj av yuav hloov los tau nyob ntawm seb cov kev mus los zoo npaum li cas. Piv txwv tias, txoj kev uas muaj tsheb ntau rhau yuav ua rau cov chaw haujlwm tsis xav nyob rau cov chaw ntawd.

### **Txoj kev npaj thiab cov cua phem uas zoo li cov uas hauv hauv lub tsev cog nroj tsuag yuav sib raug li cas?**

Cov kev mus los yog ib yam uas loj ntshaj plaws los ntawm GHG hauv Kaslisfausnias. Thaum peb ua kom cov neeg yuav tsum tsav tsheb mus los tsawg zog tuaj nws yuav pab txo kom cov cua phem tsawg zog thiab ua kom cov huab cua zoo zog tuaj.

Valley Visions cov kev npaj yuav pab tau los txo kom cov cua phem tsawg zog thaum:

- Txhawb cov kev siv thooj av (cov chaw haujlwm, cov khw, cov tsev kawm ntawm thiab cov vaj tse) kom lawv nyob ze zog ua ke rau tej lub zej zog li ntawd tib neeg thiaj li tsav tsheb tsawg zog kom mus tau rau qhov chaw uas lawv yuav tsum mus.
- Muab cov vaj tse, haujlwm thiab lwm yam tso ze rau ntawm cov kev khiav npav, li ntawd tib neeg thiaj li muaj ntau hom kev thauj mus los rau lawv xaiv.
- Npaj kom cov kev siv thooj av thiab cov kev thauj mus los nyob ua ke, li ntawd peb thiaj li tswj kom tsis txhob muaj tsheb ntau heev ntawm kev thiab pab txo kom cov cua phem tsawg zog vim tsis npaj tej no kom zoo.

### **Vim li cas peb yuav tau txhawj txog cov cua phem uas zoo li cov uas nyob hauv lub tsev cog nroj tsuag?**

Thaum peb txo kom cov cua phem GHG uas tawm mus rau lub ntiaj teb tsawg zog peb yuav pab kom cov huab cua zoo zog tuaj, pab txhawb txoj kev noj qab haus huv thiab tiv thaiv tau lub ntiaj teb. Cov kev npaj thiab cov cai uas pab txo kom cov cua phem GHG tsawg zog vim cov tsheb mus los yuav pab txo txoj kev siv evnawsntsis kom tsawg zog, txo lub sijhawm tsav tsheb mus los kom tsawg zog, txuag nyiaj thiab pab kom tib neeg tsis thas tsav tsheb.

Ntxiv qhov ntawd, nws muaj ib co cai, nrog rau SB 375, uas muaj cov cai tswj kom peb muaj cov huab cua zoo thiab cov hom phiaj los pab txog kom cov cua phem tsawg zog. SB 375 khoo kom Kaslisfausnias pab txo cov cua phem GHG li ntawm cov kev uas tau ntsuas rau 1990 thaum txog 2020, thiab khoo kom siv cov kev npaj txoj kev siv thooj

av/puab vaj tse uas yuav pab txo cov cua phem tawm ntawm cov tsheb thiab cov truck me kom los pab haum raws li cov hom phiaj rau thaj av ntawd.

**Cov kev mus los rau ib thaj av thiab txoj kev npaj siv thooj av yuav pab txo cov cua phem uas zoo li cov uas nyob hauv lub tsev cog nroj tsuag li cas?**

Valley Visions yuav pab kom ntsib tau cov hom phiaj txog GHG thaum peb ua haujlwm nrog cov nroog nyob ze, cov cheeb nroog thiab cov koos haum rau pej xem los npaj kom muaj ntau tus neeg los nyob kom tau ze rau lawv txoj haujlwm thiab lwm cov kev pab. Ntxiv ntawd, pab kom muaj ib txoj zoo zog mus caij npav thiab ua kom cov kev caij luv thij thiab taug kev yooj yim zog thiab nyab xeeb zog, li ntawd cov neeg uas nyob hauv thiaj li tsis thas tsav tsheb puas tsawg. Thaum tib neeg tsav tsheb tsawg zog nws yuav ua kom cov cua phem uas tawm ntawm lub tsheb tus pipe tom qab pob tw tso pa tawm mus rau cov huab cua kom tsawg zog.

**Cov kev siv thooj av hloov qeeb heev li thiab ntau cov chaw yeej tsis hloov puas tsawg li. Valley Vision yuav pab tau npaum li cas?**

Tejzaum nws yuav siv li ob peb xyoos ua ntej txoj kev siv thooj av hloov kom pom qhov uas tau hloov ntawm txoj kev tso cua phem tawm tag nrho los ntawm tib neeg cov tsheb thiab truck. Thaum peb cov khoom zoo zog tuaj – nrog rau cov tsheb thiab truck uas siv roj tsawg –thiab cov kev hloov cai –xws li cov nqi them nres tsheb -- yuav tsum raug txo kom peb ncav cuag peb cov hom phiaj. Txawm li cas los, thaum peb hloov txoj kev siv thooj av nws yuav tseem ceeb heev kom peb pab txo kom cov cua phem tsawg zog li ntawd peb cov huab cua thiaj li zoo zog tuaj thiab noj qab haus huv.

Valley Visions yog ib txoj kev los pab txo kom cov cua phem GHG tsawg zog hauv Kaslisfausnias. Peb txhua tus yeej pom tias nws tsis yog ib txoj kev los kho xwb; peb yuav tau kho txhua yam. Txawm tias tej yam khoom zoo zog tuaj peb yuav tau hloov txoj kev tib neeg siv mus los.

**Cov hom phiaj los txo cov cua phem uas zoo li cov uas nyob hauv lub tsev cog nroj tsuag yog dabtsi?**

Lub Cuaj Hlis Ntuj 2010, lub California Air Resources Board (Kaslisfausnias Lub Tuam Txhab Saib Xyuas Huab Cua; ARB) tsim ib cov hom phiaj los txo kom cov cua phem GHG tsawg zog rau San Joaquin Valley rau xyoo 2020 thiab 2035. Qhov hom phiaj yog los txo kom tau 5 feem pua ntawm cov cua phem GHG thaum txog 2020 thiab txo kom tau 10 feem pua thaum txog 2035, thaum muaj los piv rau cov cua phem tawm rau huab cua rau xyoo 2005.

**Cov kev npaj no puas tshem cov nroog thiab cov cheeb nroog lub peev xwm uas ub ua no?**

Tsis tau. SB 375 yeej hais ncaj nraim tias cov MPO tsis muaj lub peev xwm los tswj lossis cia li tuav “cov cai siv thooj av ntawm cov nroog thiab cheeb nroog hauv tej lub thaj av.”

Nws yeej tsis muaj ib yam dabtsi los khoo tias cov nroog thiab cov cheeb nroog yuav tsum tau hloov lawv cov kev npaj.

Koj cov tsoom fww hauv koj lub nroog muaj lub peev xwm los tsim ib co kev npaj los qhia tias koj lub zej zog yuav loj hlob li cas tuaj lossis tsis loj hlob li cas, cov hom lagluam uas lawv yuav txhawb, thiab lawv yuav pub puab vaj tse tshiab rau qhov twg. Txhua lub nroog yeej qhov chaw twg yog rau hom vaj tse li cas thiab cov cai hais txog txoj kev puab vaj tse (tiamsis txawm tias txoj kev los puab vaj tse nyob ntawm seb lub tebchaws nyiaj txiag kev ua lag ua luam thiab cov khw ua lagluam zoo li cas xwb). Koj lub MPO yuav ua haujlwm nrog lub nroog cov neeg los saib xyuas kom cov kev npaj haum nrog thiab txhawb cov kev npaj rau thooj av ntawd thiab seb yam dabtsi yuav tseem ceeb tshaj rau lub zej zog.

### **Vim li cas cov tsoom fww rau lub nroog xav ua raws li Valley Visions hais?**

Peb xav kom cov zej zog los qhia txog tej co teeb meem li cov kev muaj tsheb khiav ntau rhau lossis huab cua zoo npaum li cas. Cov kev npaj rau thooj av yuav muab tau ntau yam kev zoo rau cov vaj tse nyob ib ncig ntawm peb. Peb kho tau kom peb lub neej hauv peb lub zej zog zoo zog tuaj thaum peb ua haujlwm ua ke los ua kom tau cov huab cua zoo zog, pab ua kom txoj kev noj qab haus huv zoo zog tuaj, cov kev nyab xeeb zog, thiab cov vaj tse nyob ze zog rau ntawm cov kev caij npav mus los, cov chaw haujlwm, thiab cov kev pab.

Nws muaj ib co kev pab ntxiv pob nyiaj rau cov uas pom zoo ua raws li lub Valley Visions cov kev npaj. Qhov ntawm no nrog rau nyiaj tso ua lagluam los ntawm qhov Regional Transportation Plan, thiab txoj kev pab los ntsib cov cai los ntawm tsab cai California Environmental Quality Act (Kaslifausnias Tsab Cai Tswj Kom Ntiaj Teb Huab Cua Zoo; CEQA).

### **Valley Visions puas muaj ib feem nrog Agenda 21?**

Tsis nrog. Agenda 21 yog United Nations txoj kev qhia txog cov cai thiab cov kev sib yeem zoo li cas, kev txom nyem thiab lub ntiaj teb huab cua tau loj hlob li cas txij 1992. [Insert MPO mission.] [MPO name] tsis ua lagluam nrog lossis muaj lub peev xwm los khoo cov cai thiab tej yam uas United Nations pom zoo.

### **Kuv yuav qhia tau kuv cov tswv yim thiab cov kev xav li cas?**

Txoj kev koom tes los ntawm cov pej xeeb tseem ceeb heev rau Valley Visions txoj kev vam meej, thiab peb vam tias koj yuav nqi tes los pab. Peb xav tau ntau cov neeg uas nyob hauv no thiab cov khiav lagluam hauv no cov lus qhia los tsim kom tau ib txoj kev npaj uas yuav ntsib kom tau peb cov hom phiaj thiab pom tias nws mus raws li peb cov kev ntseeg rau peb lub zej zog.

Nws muaj ntau txoj kev rau koj los nqis tes pab. Ib txoj kev uas zoo tshaj plaws rau koj los pib yog mus xyuas [MPO website] kom koj paub ntau zog txog cov kev txhawb lub

nroog thiab cov kev sib tham uas yuav muaj tom ntej. [MPOs to add additional information about other opportunities, including advisory committees, questionnaires, etc.]

Cov kev txiav txim hnuv no txog kev siv nyiaj txiag tom hauv paus yuav raug peb thaj av ob peb xyoos tom ntej. Cov kev npaj uas zoo tshaj plaws yog los ntawm ntau tus txoj kev pom, li ntawd peb vam kom koj nqis tes los koom.

**Kuv yuav hu rau leej twg yog tias kuv muaj lus nug?**

Fresno Council of Governments

(559) 233-4148

[www.fresnocog.org](http://www.fresnocog.org) or [www.valley-visions.org](http://www.valley-visions.org)

2035 Tulare Street, Fresno CA 93722